



Skólanefnd Miðbæjarskólans, fundargerð,
13. janúar 1942

Bjarni Benediktsson – Guðrún Pétursdóttir – Skipan – Skólanefnd – Miðbæjarskólinn

Tekið af vef Borgarskjalasafnsins

bjarnibenediktsson.is

Einkaskjalasafn nr. 360

Benediktarskjöl

Askja 5-1, Örk 2

©Borgarskjalasafn Reykjavíkur

SKÓLANEFND
Miðbæjarskólans.

Ár 1942, þriðjudaginn 13. jan., kl. 4 síðd., var fundur skólanefndar Miðbæjarskólans í skrifstofu skólustjóra.

Steingr. Guðmundsson boðaði forföll.

Þetta gerðist:

1. Karlakór Reykjavíkur tilkynnir, að hann muni ekki nota framvegis húsnæði það, sem kórinn fékk í skólanum í haust.
2. Karlakór Iðnaðarmanna sækir um að fá afnot af söngstofu skólans eitt kvöld í viku. Samþykkt að leyfa þetta með sömu skilyrðum og áður. Bæjarrað hefir fyrir sitt leyti einnig samþykkt þetta.
3. Söngfélagi I.O.G.T. leyfð á sama hátt afnot af söngstofu skólans tvö kvöld í viku.
4. Fræðslumálastjórinn tilkynnir að ráðuneytið hafi með bréfi, dags. 5. nov., skipað þau:
Soffíu Benjamínsdóttur og
Jón Guðmannsson
til þess að vera kennarar við Miðbæjarbarnaskólann frá 1. desember f.á. að telja.
5. Guðmundur Jónsson kennari hefir lagt fram læknisvottorð, dags. 27. okt. 1941, um það, að hann megi ekki kenna meira en fjórar stundir á dag vegna heilsubilunar. Skólanefnd mælir með því, að fyrst um sinn verði mismunur þess stundafjölda, sem honum ber að kenna og þess, sem hann getur kennt, talinn með stundakennslu og kaup-
ið greitt ur bæjarsjóði.
6. Soffía Benjamínsdóttir, kennari, sendir læknisvottorð, dags. 12. þ.m., um það, að hún megi ekki vinna fyrst um sinn af heilsufarslegum ástæðum.
7. Sigfús Sigmundsson, kennari, sem enn liggur veikur í sjúkrahúsi, fer fram á það, að fá að halda fullum launum út þetta kennsluar, enda greiði hann fyrir stundakennslu, sem framkvæmd er fyrir hann, eftir þeim reglum, sem gilt hafa um svipuð tilfelli undanfarið. Skólanefnd mælir með því, að þetta verði veitt.

Fleira var ekki gert.

Ingimar Jónsson.

Guðrún Pétursdóttir.

Ármann Halldórsson.

Fundargerðin lögð fram og samþykkt með samhlj. atkv. á fundi
bæjarstjórnar 5. febr. s.l.

Frú Guðrún Pétursdóttir,

Skólav. 11.